


PL  
2517  
Y78  
1699  
v.6









玉堂才調集

庚

二百六十八首

沈佺期

一首

鄭愔

一首

宗楚客

一首

張說

一首

蘇頲

二首

邵昇

一首

王維

二首

高適

一首

崔顥

一首

岑參

一首

祖詠

一首

陶峴

一首

李白

一首

杜甫

六首

劉長卿

二首

錢起

一首



包何一首

李嘉祐一首

韓翃一首

皇甫冉一首

皇甫曾二首

盧綸六首

耿湜一首

司空曙二首

崔崱一首

李端二首

張南史一首

于鵠一首

戴叔倫一首

王建七首

武元衡一首

權德輿一首

劉禹錫九首

韓愈二首

柳宗元一首

楊巨源二首



張籍 十首

元稹 二首

白居易 十八首

李紳 五首

楊凝 一首

賈島 二首

張祐 一首

姚合 五首

周墀 一首

周賀 二首

朱慶餘 二首

李商隱 三首

溫庭筠 四首

杜牧 四首

李遠 一首

許渾 五首

趙嘏 三首

薛逢 一首

劉威 一首

馬戴 一首



薛能一首

劉滄七首

項斯一首

雍陶二首

李羣玉一首

李郢四首

李頻一首

方干十一首

司空圖二首

楊夔二首

皮日休五首

陸龜蒙七首

顏萱二首

羊昭業一首

李洞二首

鄭谷四首

崔塗四首

李山甫一首

胡璘一首

杜荀鶴九首



吳融 六首

韓偓 六首

庚劉兼 一首

王貞白 一首

李中 七首

唐球 一首

韋莊 七首

吳商浩 一首

秦韜玉 三首

林寬 一首

韋元蟾 一首

羅隱 十一首

殷文珪 二首

羅鄴 一首

高駢 一首

徐寅 二首

張泌 一首

皎然 一首

法振 二首

慕幽 二首



玉堂才調集

去  
吳  
一首

謝  
一首

謝  
一首

謝  
一首

高  
一首

余  
二首

頌文  
二首

蘇  
一首

韋  
一首

蘇  
十一首

秦  
三首

林  
一首

韋  
一首

吳  
一首

李  
一首

曹  
一首

陸  
一首

王  
一首

吳  
六首

韓  
六首



玉堂才調集

庚

奉和春日幸望春宮應制

沈佺期

芳郊綠樹散春晴  
複道離宮烟霧生  
楊柳千條花欲綻  
葡萄百丈蔓初縈  
林香酒氣元相入  
鳥嘯歌聲各自成  
定是風光牽宿醉  
來晨復得幸昆明

幸觀奉和春日幸望春宮

鄭 愔

晨蹕凌高轉翠旌  
春樓望遠背朱城  
忽排花上遊天苑  
却坐雲邊看帝京  
百草香心初冒蝶  
千林嫩葉始藏鶯  
幸同葵藿傾陽早  
願比盤根應候榮



奉和幸安樂公主山莊應制

宗楚客

玉樓銀榜枕嚴城  
翠蓋紅旂列禁營  
日映層岩圖畫色  
風搖襍樹管絃聲  
水邊重閣含飛動  
雲裏孤峯類削成  
幸睹八龍遊閬苑  
無勞萬里訪蓬瀛

澠湖山寺

張說

空山寂歷道心生  
虛谷迢遙野鳥聲  
禪室從來雲外賞  
香臺豈是世中情  
雲間東嶺千重出  
樹裏南湖一片明  
若使巢由同此意  
不將蘿薜易簪纓

東 廣達樓下夜侍醽醁應制

蘇頌

東岳封廻讌洛京  
西塘通晚會公卿  
樓臺絕勝宜春苑



燈火還同不夜城  
正觀人間朝市樂  
忽聞天上管絃聲  
酺來萬舞羣臣醉  
喜戴千年聖主明

扈從鄆杜間奉呈刑部尚書舅崔黃門馬常侍

翠輦紅旗出帝京  
長楊鄆杜昔知名  
雲山一一看皆在  
竹樹蕭蕭畫不成  
羽騎將過持袂拂  
香車欲度捲簾行  
漢家曾草巡遊賦  
何似今來應聖明

奉和初春幸太平公主南莊應制 邵 昇

沁園佳麗奪蓬瀛  
翠壁紅泉遶上京  
二聖忽從鸞殿幸  
雙仙正下鳳樓迎  
花含步輦空間出  
樹襍帷宮畫裏成  
無路乘槎窺漢渚  
徒知訪卜就君平



送楊少府貶郴州

王維

明到衡山與洞庭若爲秋月聽猿聲愁看北渚三湘近  
惡說南風五兩輕青草瘴時過夏口白頭浪裏出湓城  
長沙不久留才子賈誼何須弔屈平

過乘如禪師蕭居士嵩丘蘭若

無著天親弟與兄嵩丘蘭若一峯晴食隨鳴磬巢鳥下  
行踏空林落葉聲迸水定侵香案濕雨花應共石牀平  
深洞長松何所有儼然天竺古先生

夜別韋司士

高適

高館張燈酒復清夜鐘殘月鴈歸聲只言啼鳥堪求侶



無那春風欲送行  
黃河曲裏沙爲岸  
白馬津邊柳向城  
莫怨他鄉暫離別  
知君到處有逢迎

行經華陰

崔顥

岧嶢太華俯咸京  
天外三峯削不成  
武帝祠前雲欲散  
仙人掌上雨初晴  
河山北枕秦關險  
驛路西連漢時平  
借問路傍名利客  
無如此處學長生

奉和相公發益昌

岑參

相國臨戎發帝京  
擁旄持節遠橫行  
朝登劍閣雲隨馬  
夜渡巴江雨洗兵  
山花萬朶迎征蓋  
川柳千條拂去旌  
暫到蜀城應計日  
須知明主待持衡



望薊門

祖詠

燕臺一望客心驚  
笙鼓喧喧漢將營  
萬里寒光生積雪  
三邊曙色動行旌  
沙場烽火侵  
月海畔雲山擁薊城  
少小雖非投筆吏  
論功還欲請長纓

西塞山下迴舟作

陶峴

匡廬舊業是誰主  
吳越新居安此生  
白髮數莖歸未得  
青山一望計還成  
鴉翻楓葉夕陽動  
鷺立蘆花秋水明  
從此捨舟何所詣  
酒旗歌扇正相迎

鸚鵡洲

李白

鸚鵡來過吳江水  
江上洲傳鸚鵡名  
鸚鵡西飛隴山去



芳洲之樹何青青  
烟開蘭葉香風起  
岸夾桃花錦浪生  
遷客此時徒極目  
長洲孤月向誰明

吹笛

杜甫

吹笛秋山風月清  
誰家巧作斷腸聲  
風飄律呂相和切  
月傍關山幾處明  
騎中宵堪北走  
武陵一曲想南征  
故園楊柳今搖落  
何得愁中却盡生

院中晚晴懷西郭茆舍

幕府秋風日夜清  
淡雲疎雨過高城  
葉心朱實堪時落  
堦面青苔先自生  
復有樓臺啣暮景  
不勞鐘鼓報新晴  
浣花溪裏花饒笑  
肯信吾兼吏隱名



三  
夜

露下天高秋氣清  
空山獨夜旅魂驚  
疎燈自照孤帆宿  
新月猶懸雙杵鳴  
南菊再逢人臥病  
北書不至鴈無情  
步檐倚杖看牛斗  
銀漢遙應接鳳城

酬郭十五判官受

才微歲晚尚虛名  
臥病江湖春復生  
藥裹關心詩總廢  
花枝照眼句還成  
只同燕石能星隕  
自得隋珠覺夜明  
喬口橘洲風浪促  
繫帆何惜片時程

崔評事弟許相迎不到應慮老大見泥雨怯出

窓佳期走筆戲簡



江閣邀賓許馬迎，午時起坐自天明。  
浮雲不負青春色，細雨何孤白帝城。  
身過花間霑濕好，醉于馬上往來輕。  
虛疑皓首衝泥怯，實少銀鞍傍險行。

愁

江草日日喚愁生，巫峽泠泠非世情。  
盤渦驚浴底心性，獨樹花發自分明。  
十年戎馬暗南國，異域賓客老孤城。  
渭水秦山得見否，人今罷病虎縱橫。

送盧侍御赴河北

劉長卿

謫居爲別倍傷情，何事從戎獨遠行。  
千里按圖收故地，三軍罷戰及春耕。  
江天漠漠一作渺鴻初去，漳水悠悠草



欲生莫學仲連逃海上田單空愧取聊城

別嚴士元

春風倚棹闔閭城水國春寒陰復晴  
細雨濕衣看不見閒花落地聽無聲  
日斜江上孤帆影草綠湖南萬里情  
東道若逢相識問青袍今已悞儒生

送李評事赴潭州使幕

錢起

湖南遠去有餘情蘋葉初齊白芷生  
謾說簡書催物役遙知心賞緩王程  
興過山寺先雲到嘯引江帆帶月行  
幕下由來貴無事佇聞談笑靜黎氓

闕下芙蓉

包何



一人理國致昇平萬物呈祥助聖明天上河從闕下過  
江南花向殿前生慶雲垂蔭開難落湛露爲珠滿不傾  
更對樂懸張宴處歌工欲奏採蓮聲

承恩量移宰江邑臨鄱江悵然有作

李嘉祐

四年謫宦滯江城未厭門前鄱水清誰言宰邑化黎庶  
欲別雲山如弟兄雙鷗爲底無心狎白髮從他繞鬢生  
惆悵閒眠臨極浦夕陽秋草不勝情

送康洗馬歸滑州

韓翃

腰佩雕弓漢射聲東歸銜命建雙旌青絲玉勒康侯馬



孟一作白

水金隄滑伯城臘雪夜寒宜縱飲晴蕪晝獵不妨行懷君又隔千山遠別後春風百草生

送張道士歸茅山謁李尊師

皇甫冉

向山獨有一人行近洞應逢雙鶴迎常以素書傳弟子還因白石號先生無窮杏樹行時種幾許芝田向月耕師事少君年歲久欲隨旄節住層城

張芬見訪郊居作

皇甫曾

林中雨散早涼生已有迎秋促織聲三徑荒蕪羞對客十年衰老愧稱兄愁心自惜江離晚世事方看木槿榮君若罷官携手去尋山莫計白雲程



奉寄中書王舍人

腰金載筆謁承明至道安禪得此生西掖幾年綸綍貴  
東山遙夜薜蘿情風傳刻漏星河曙月上梧桐雨露清  
聖主好文誰爲薦閉門空賦子虛成

晚次鄂州

盧綸

雲間遠見漢陽城猶是孤帆一日程賈客晝眠知浪靜  
舟人夜語覺潮生三湘愁鬢逢秋色萬里歸心對月明  
舊業已隨征戰盡更堪江上鼓鼙聲

至德中途中書事寄李憫

亂離無處不傷情況復看碑到古城路遶寒山人獨去



月臨秋水鴈空驚  
顏衰重喜歸鄉國  
身賤多慚問姓名  
今日主人還共醉  
應憐世故一儒生

冬夜贈別友人

愁聽千家流水聲  
相思獨向月中行  
侵堦暗草秋霜重  
徧郭寒山夜月明  
連年客舍惟多病  
數畝田園又廢耕  
更送乘輶歸上國  
應憐貢禹未成名

春日題杜叟山下別業

百鳥羣飛山半晴  
渚田相接有泉聲  
園中曉露青蘂合  
橋上春風綠野明  
雲影斷來峯影出  
林花落盡草花生  
今朝醉舞同君樂  
始信幽人不愛榮



夜投豐德寺謁海上人

半夜中峯有磬聲  
偶逢樵者問山名  
上方月曉聞僧語  
下界林疎見客行  
野鶴巢邊松最老  
毒龍潛處水偏清  
願得遠公知姓字  
焚香洗鉢過浮生

送李紉

舊國仍連五將營  
儒衣何處謁公卿  
波翻遠水蒹葭動  
路入寒村機杼鳴  
嵇康書論多歸興  
謝氏家風有學名  
爲問西來雨中客  
空山幾處是前程

塞上曲

耿 漳

慣習干戈事  
鞍馬初從小  
在邊城身微久  
屬干夫長



家遠多親五郡兄  
懶說疆場曾大獲  
且悲年髮老長征  
塞鴻過盡殘陽裏  
樓上嗚嗚暮角聲

南原望漢宮

司空曙

荒原空有漢宮名  
衰草茫茫雉堞平  
連鴈下時秋水在  
行人過盡暮烟生  
西陵歌吹何年別  
南陌登臨此日情  
故事悠悠不可問  
寒禽野水自縱橫

長安曉望寄程

包集作崔

補闕

一刻包何

迢遞山河擁帝京  
參差宮殿接雲平  
風吹曉漏經長樂  
柳帶晴烟出禁城  
天淨笙歌臨路發  
日高車馬隔塵行

獨有淺才甘未達  
多慙名在魯諸生

包集作自憐久任諸生列未得金閨



籍姓

名

寄上韋蘇州兼呈吳縣李明府

崔 尚

數年湖上謝浮名竹杖紗巾遂稱情雲外有時逢寺宿  
日西無事傍江行陶潛縣裏看花發庾亮樓中對月明  
誰念獻書來萬里君王淡在九重城

卧病聞吉中孚拜官寄元秘書昆季

李 端

漢家採使不求聲自慰文章道欲行毛遂登門雖異賞  
韓非入傳濫齊名雲歸暫愛青山出客去還愁白髮生  
年少奉親皆願達敢將心事向玄成



送皎然上人歸山

適來世上豈緣名  
適去人間豈爲情  
古寺山中幾日到  
高松月下一僧行  
雲陰鳥道苔方合  
雪映龍潭水更清  
法主欲歸須有說  
門人流淚厭浮生

春山道中寄孟侍御

張南史

春來遊子傷歸路  
時有白雲邀獨行  
水流亂起石潭響  
花發不知山樹名  
誰家魚網求鮮食  
何處人烟事火耕  
昨日已嘗村酒熟  
一盃思與孟嘉傾

送唐大夫讓節歸山

于鵠

年老功成乞罷兵  
玉墀匍匐進雙旌  
朱門鴛瓦爲仙觀



白領狐裘出帝城侍女休梳宮樣髻  
蕃童新改道家名  
到時浸髮春泉裏猶夢紅樓簫管聲

宮詞

戴叔倫

紫禁迢迢宮漏鳴夜淡無語獨含情  
春風鸞鏡愁中影  
明月羊車夢裏聲塵暗玉階綦跡斷  
香飄金屋篆烟清  
真心一任蛾眉妬買賦何須問馬卿

寄汴州令狐相公

王建

三軍江口擁雙旌虎帳長開自教兵  
機鎖惡徒狂寇盡  
恩驅老將壯心生水門向晚茶商鬧  
橋市通宵酒客行  
秋日梁王池閣好新歌散入管絃聲



贈田將軍

初從學院別先生便領偏師得戰名大小獨當三百陣  
縱橫祇用五千兵廻殘正帛歸天庫分好旌旗入禁營  
自執金吾長上直蓬萊宮裏夜巡更

邨居卽事

一刻  
姚合

休看小字大書名向日持經眼却明時過無心求富貴  
身閒不夢見公卿因尋岳寺葦辛斷自別王城禮數生  
斜月照牀新睡覺西峯

一作風

半夜鶴來聲

送阿史那將軍安西迎舊使靈櫬

漢家都護邊頭沒舊將麻衣萬里迎陰地背行山下火



風天錯到磧西城單于送葬還垂淚部曲招魂亦道名  
却入杜陵秋巷裏路人來去讀銘旌

薛二十池亭

一刻姚合

每箇樹邊消一日繞池行匝又須行異花多是非時有  
好竹皆當要處生斜豎一作立小橋看島勢遠移山一作幽  
石作泉聲浮萍著岸風吹歇水面無塵晚更清

送魏州李相公

百代功勲一日成三年五度換雙旌閒來不對人論戰  
難處長先自請行旗下可曾誅敗將陣頭多是用降兵  
當朝面受新恩去算料妖星不敢生



酬朗州崔員外與任十四兄侍御同過鄙人舊居  
見懷之什時守吳郡

昔日居鄰招屈亭  
楓林橘樹鷓鴣聲  
一辭御苑青門去  
十見蠻江白芷生  
自此曾沾宣室召  
如今又守闔閭城  
何人萬里能相憶  
同舍仙郎與外兄

和樂天南園試小樂

閒步南園烟雨晴  
遙聞絲竹出墻聲  
欲拋丹筆三川去  
先教清商一部成  
花木手栽偏有興  
歌詞自作別生情  
多才遇景皆能詠  
當日人傳滿鳳城

和樂天洛下醉吟寄太原令狐相公兼見懷長句



舊相臨戎非稱意詞人作尹本多情從容自使邊塵靜  
談笑不聞桴鼓聲章句新添塞下曲風流舊占洛陽城  
昨來亦有吳趨詠惟寄東都與北京

酬令狐相公見寄

才兼文武播雄名遺愛芳塵滿洛城身在行臺爲僕射  
書來丹里訪先生閒遊占得嵩山色醉臥高聽洛水聲  
千里相思難命駕七言詩裏寄深情

酬樂天衫酒見寄

酒法衆傳吳米好舞衣偏尚越羅輕動搖浮蟻香濃甚  
裝束輕鴻意態生閑曲定知能自適舉杯應歎不同傾



終朝相憶終年別對景臨風無限情

酬樂天齋滿日裴令公置宴席上戲贈

一月道場齋戒滿今朝華幄管絃迎銜杯本自多狂態  
事佛無妨有佞名酒力半酣愁已散文鋒未鈍老猶爭  
平陽不獨容賓醉聽取喧呼吏舍聲

寄楊八拾遺

時出爲國子主簿分司東都之十  
八員外亦轉國子博士同在洛陽

聞君前日獨庭爭漢帝偏知白馬生忽領簿書遊太學  
寧勞侍從厭承明洛陽本自宜才子海內而今有直聲  
爲謝同僚老博士范雲來歲卽公卿

賀張十八秘書得裴司空馬

韓愈



司空遠寄養初成毛色桃花眼鏡明落日已曾交轡語  
春風遙擬並鞍行長令奴僕知饑渴須着賢良待性情  
旦夕公歸伸拜謝免勞騎去逐雙旌

戲題牡丹

辛巳同開俱隱約何須相倚鬪輕盈臨晨併作新粧面  
對客偏含不語情雙燕無機還拂掠遊蜂多思正經營  
長年是事皆拋盡今日欄邊暫眼明

衡陽與夢得分路贈別

柳宗元

十年憔悴到秦京誰料翻爲嶺外行伏波故道風烟在  
翁仲遺墟草樹平直以疎慵招物議休將文字占時名



今朝不用臨河別垂淚千行便濯纓

和侯大夫秋原山觀征人回

楊巨源

兩河戰罷萬方清原上軍回識舊營立馬望雲秋塞靜  
射鵬臨水晚天晴戍閒部伍分岐路地遠家鄉寄旆旌  
聖代止戈資廟略諸侯不復更長征

觀打球有作

親掃毬場如砥平龍驤驟馬曉光晴入門百拜瞻雄勢  
動地三軍唱好聲玉勒回時霑赤汗花鬣分處拂紅纓  
欲令四海氛烟靜杖底纖塵不敢生

送從弟刪東歸

張籍



雲水東南兩月程，貪歸慶節馬蹄輕。  
春橋欲醉攀花別，野路閒吟觸雨行。  
詩價已高猶失意，禮司曾賞會成名。  
舊山風月知應少，莫過秋時不到京。

謝裴司空寄馬

騄耳新駒駿得名，司空遠自寄書生。  
乍離華廐移蹄澁，初到貧家舉眼驚。  
每被閒人來借問，多尋古寺獨騎行。  
長思歲旦沙堤上，得從鳴珂傍火城。

送吳鍊師歸王屋

王陽峯下學長生，洞府仙鄉已有名。  
獨戴熊鬚冠暫出，惟將鶴尾扇同行。  
煉成雲母休炊爨，爨得雷公當吏兵。



却到瑤壇上頭宿應聞空裏步虛聲

五

寄陸渾趙明府

與君學省同官處常日相隨說道情  
新作陸渾山縣長  
早知三禮甲科名郭中時有仙人住  
城內應多藥草生  
公事稀疏來客少無妨着屐獨閒行

喜王起侍郎放牒

東風節氣近清明車馬爭來滿禁城  
二十八人初上牒  
百千萬里盡傳名誰家不借花園看  
在處多將酒器行  
共賀春司能鑒識今年定合有公卿

送楊少尹赴浦城



官爲本府當身榮因得還鄉任野情自廢田園今作主  
每逢耆老不呼名舊遊寺裏僧應識新別橋邊樹已成  
公事况閒詩更好將誰相逐上山行

太白老人

日觀東峯幽客住竹巾藤帶亦逢迎暗修黃籙無人見  
溪種胡麻共犬行洞裏仙家常獨往壺中靈藥自爲名  
春泉四面繞郊屋日日惟聞杵臼聲

贈梅處士

早聞聲價滿京城頭白江湖放曠情講易自傳新註義  
題詩不著舊官名近移馬跡山前住多向牛頭寺裏行



天子如今議封禪應將束帛請先生

贈趙將軍

當年膽畧已縱橫每見妖星氣不平身貴早登龍尾道  
功高自破鹿頭城尋常得對論邊事委曲承恩掌內兵  
會取安西將報國凌烟閣上大書名

贈王侍御

心同野鶴與塵遠詩似冰壺見底清府縣同趨昨日事  
升沉不改故人情上陽春晚蕭蕭雨洛水寒來夜夜聲  
自歎獨爲折腰吏可憐驄馬路傍行

過襄陽樓呈嚴司空

元



襄陽樓下樹陰成荷葉如錢水面平拂水柳花千萬  
隔林鶯舌兩三聲有時水畔看雲立每日樓前信馬行  
早晚暫教王粲上庾公應待月分明

友封體

黔府寶寧  
字友封

雨送浮涼夏簟清小樓腰褥怕單輕微風暗度香囊轉  
臘月斜穿隔子明樺燭焰高黃耳吠柳堤風靜紫騮聲  
頻頻聞動中門鎖桃葉知嗔未敢迎

酬贈李鍊師見招

白居易

幾年司諫直承明今日求真禮上清曾犯龍鱗容不死  
欲騎鶴背覓長生劉綱有婦仙同得伯道無兒累更輕



若許移家相近住便驅雞犬上層城

湖上招客送春泛舟

欲送殘春招酒伴客中誰最有風情兩餅簪下新開得

一曲霓裳初教成

時崔湖州寄新簪下酒來  
樂妓按霓裳羽衣曲初畢

排比管絃

行翠袖指麾船舫點紅旌慢牽好向湖心去恰似菱花  
鏡上行

答微之詠懷見寄

閣中同直前春事船裏相逢昨日情分袂二年勞夢寐  
並牀三宿話平生紫薇北畔辭宮闕滄海西頭對郡城  
聚散窮通何足道醉來一曲放歌行



歲日家宴戲示弟姪等兼呈張侍御二十八丈殷

判官二十三兄

弟妹妻孥小姪甥嬌癡弄我助歡情歲盡後推藍尾酒  
春盤先勸膠牙餠形骸潦倒雖堪歎骨肉團圓亦可榮  
猶有誇張少年處笑呼張丈喚殷兄

晚起

臥聽蓼蓼衙鼓聲起遲睡足長心情華簪脫後頭雖白  
堆案拋來眼校明閒上簪輿乘興出醉回花舫信風行  
明朝更濯塵纓去聞道松江水最清

代琵琶弟子謝女師曹供奉寄新調弄譜



琵琶師在九重城忽得書來喜且驚一紙展看非舊譜  
四絃翻出是新聲  
蕤賓散水 珠顆淚沾金捍撥紅粧弟子不勝情  
皆新調名

送唐州崔使君侍親赴任

連持使節歷專城獨賀崔侯最慶榮烏府一拋霜簡去

朱輪四從板輿行

崔郎中從殿中連典四郡皆侍親赴任

發時正許沙鷗

送到日方乘竹馬迎惟慮郡齋賓友少數盃春酒共誰

饋

和敏中洛下卽事

時敏中爲殿中分司

昨日池塘春草生阿連新有好詩成花園到處鶯呼



驄馬遊時客避行水煖魚多似南國人稀塵少勝西京  
洛中佳境應無限若欲諳知問老兄

奉送三兄

少年曾管二千兵晝聽笙歌夜斫營自反丘園頭盡白  
每逢旗鼓眼猶明杭州暮醉連牀卧吳郡春遊並馬行  
自愧阿連官職慢只教兄作使君兄

寒食江畔

草香沙煖水雲晴風景令人憶帝京還似往年春氣味  
不宜今日病心情聞鶯樹下沉吟立信馬江頭取次行  
忽見紫桐花悵望下邳明日是清明



南湖早春

風迴雲斷雨初晴  
返照湖邊暖復明  
亂點碎紅山杏發  
平鋪新綠水蘋生  
翅低白鴈飛仍重  
舌澁黃鸝語未成  
不道江南春不好  
年年衰病減心情

南園試小樂

小園斑駁花初發  
新樂錚鏦教欲成  
紅萼紫房皆手植  
蒼頭碧玉盡家生  
高調管色吹銀字  
慢拽歌詞唱渭城  
不飲一杯聽一曲  
將何安慰老心情

贈楊秘書巨源

早聞一箭取遼城

紀事云巨源以三刀夢益州一箭取聊城得名故樂天詩云云也

相



識雖新有故情清句三朝誰是敵白鬚四海半爲兒貧  
家薙草時時入瘦馬尋花處處行不用更教詩過好折  
君官職是聲名

送客之湖南

年年漸見南方物事事堪傷北客情山鬼趨跳惟一足  
峽猿哀怨過三聲帆開青草湖中去衣濕黃梅雨裏行  
別後雙魚難定寄近來潮不到湓城

陝府王大夫相迎偶贈

紫微閣老自多情白首園公豈要迎伴我綠槐陰下歇  
向君紅旆影前行綸巾髮少渾欹側籃輿肩齊甚穩平



王荊文集  
但問主人留幾日分司賓客去無程

春來

春來觸動故鄉情忽見風光憶兩京  
金谷蹋花香騎入曲江碾草鈿車行  
誰家綠酒歡連夜何處紅樓睡失明  
猶有失眠不醉客經春冷坐古湓城

皇甫郎中親家翁赴任絳州宴送出城贈別

慕賢入室交先定結綬通家好復成  
新婦不嫌貧活計嬌孫同慰老  
心情洛橋歌酒今朝散絳路風烟幾日行  
欲識離羣相戀意爲君扶病出都城

早興



晨光出照屋梁明  
初打開門鼓一聲  
犬上堦眠知地濕  
鳥臨窗語報天晴  
半消宿酒頭仍重  
新脫冬衣體乍輕  
睡覺心空思想盡  
起來鄉夢不多成

早發

李紳

沙洲月落宿禽驚  
湖起風微曉霧生  
黃鶴浪明知上信  
黑龍山暗避前程  
火旗似辨吳門戍  
水驛遙迷楚塞城  
蕭索更看江葉下  
兩鄉俱是宦遊情

真娘墓

一株繁艷春城盡  
雙樹慈門忍草生  
愁態自隨風燭滅  
愛心難逐雨花輕  
黛消波月空蟾影  
歌息梁塵有梵聲



王荊文集  
還似錢塘蘇小小祇應回首是卿卿

初出淝口入淮

東風百里雪初晴淝口水開好濯纓  
野老擁途知意重病夫拋郡喜身輕  
人心莫厭如弦直淮水長憐似鏡清  
回首夕嵐山翠遠楚郊烟樹隱襄城

別石泉

在惠山寺松竹之下甘爽乃人間靈液清澄鑒  
肌骨含漱開神慮茶得此水皆盡芳味

素沙見底空無色青石潛流暗有聲  
微度竹風涵淅瀝細浮松月透輕明  
桂凝秋露添靈液茗拆香芽泛玉英



應是梵宮連洞府浴池今化醒泉清

北樓櫻桃花

開花占得春光早雪綴雲裝萬萼輕疑艷拆時初照日  
落英頻處乍聞鶯舞空柔弱看無力帶月惹籠似有情  
多事東風入閨闥盡飄芳思委江城

送客往鄜州

楊凝

新參將略事西平錦帶駢弓結束輕曉上關城吟夜角  
暗驅羗馬發支兵回中地遠風常急鄜畝年多草自生  
近喜扶陽係戎相從來衛霍笑長纓

上邠寧邢司徒

賈島



箭頭破牯

一作帖

渾無敵杖底敲毬遠有聲馬走千蹏朝

萬乘地分三郡擁雙旌春風欲盡山花發曉角初吹客  
夢驚不是邢公來鎮此長安西北未能行

酬慈恩寺文郁上人

袈裟影入禁池清猶憶鄉山近赤城籬落鯨間寒蟹過  
莓苔石上晚蛩行期登野閣閒應甚阻宿山房疾未平  
閒說又尋南岳去無端詩思忽然生

揚州法雲寺雙檜

張祐

謝家雙植本圖榮樹老人因地變更朱頂鶴知溪蓋偃  
白眉僧見小枝生高臨月殿秋雲影靜入風簷夜雨聲



縱使百年爲上壽綠陰終借暫時行

送文著上人遊越

姚合

水石隨緣豈計程東吳相遇別西京  
夜禪月下袈裟濕曉上山巔錫杖鳴  
念我爲官應易老美師依佛學無生  
越中多有前朝寺處處鐵鐘石磬聲

送獨孤煥評事赴豐州

東門携酒送廷評結束從軍塞上行  
溪磧路移惟馬覺斷蓬風起與鵬平  
烟生遠戍侵雲色水疊黃河長雪聲  
須鑿燕然山上石登科記裏是閒名

題崔駙馬宅



心在林泉身在城鳳凰樓下得閒名洞中見鑿尋仙吹  
月裏猶燒煮藥鑄數樹異花皆勅賜並竿修竹白天生  
詩人多說離君宅不得青苔地上行

成名後留別從兄

一辭山舍廢躬耕無事悠悠住帝城爲客衣裳多不穩  
和人詩句固難猜幾年秋賦惟知病昨日春闈偶有名  
却出關東悲復喜歸尋弟妹別仁兄

親仁里居

三年賃舍親仁里寂寞何曾似在城飲酒自緣防冷病  
尋人多是爲閒行軒車無路通門巷親故因詩道姓名



自別青山歸未得  
羨君長聽石泉聲

贈王僕射起

周 埤

文場三化魯儒生  
二十餘年振重名  
曾忝木鷄夸羽翼  
又陪金馬入蓬瀛  
雖欣月桂居先折  
更羨春蘭最後榮  
欲到龍門看風雨  
關防不許暫離營

晚秋江館寄姚郎中

周 賀

病寄曲江居帶城  
傍門孤柳一蟬鳴  
澄江月上見魚擲  
荒徑葉乾聞犬行  
越島夜無侵閣色  
寺鐘涼有隔原聲  
故園盡賣休官去  
潮水秋來空自平

送石協律歸吳



僧窗夢後憶歸耕  
水涉應多半月程  
幕府罷來無樂價  
紗巾戴去有山情  
夜隨淨渚離蜚語  
早過寒潮背井行  
已讓辟書稱抱疾  
滄洲便許白髭生

題開元寺

朱慶餘

西入山門十里程  
粉牆書字甚分明  
蕭帝壞陵湮虎跡  
廣師遺院閉松聲  
長廊畫剝僧形影  
石壁塵昏客姓名  
何必更將空色遣  
眼前人事是浮生

送元處士遊天台

青冥路只絕人行  
獨與僧期上赤城  
樹列烟嵐春更好  
溪藏冰雪夜偏明  
空山雉去禾苗短  
野館風來竹氣清



若過石橋看瀑布不妨高處便題名

二月二日

李商隱

二月二日江上行東風日暖聞吹笙花鬚柳眼各無賴

紫蝶黃蜂俱有情萬里憶歸元亮井三年從事亞夫營

新灘

一作春

莫悟

一作訝

遊人意更作風簷雨夜聲

和馬郎中移白菊見示

陶詩只采黃金實郢曲新傳白雪英素色不同籬下發

繁花疑自月中生浮杯小摘開雲母

謝靈運永嘉記百井正發時翫以小

摘供

帶露全移綴水晶偏稱含香五字客從茲得地始

芳榮

銀河吹笙

悵望銀河吹玉笙樓寒院冷接平明重衾幽夢他年斷  
別樹羈雌昨夜驚月榭故香因雨發風簾殘燭隔霜清  
不須浪作縵山意湘瑟秦簫自有情

偶題

溫庭筠

微風和暖日鮮明草色迷人向渭城吳客捲簾閒不語  
楚娥攀樹獨含情紅垂果蒂櫻桃重黃染花叢蝶粉輕  
自恨青樓無近信不將心事許卿卿

寄崔先生

往年江海別元卿家近山陽古郡城蓮浦香中離席散



柳堤風裏釣船橫  
星霜荏苒無音信  
烟水微茫變姓名  
菰黍正肥魚正美  
五侯門下負平生

經故秘書崔監揚州舊居

昔年曾識范安成  
松竹風姿鶴性情  
西掖曙河橫漏響  
北山秋月照江聲  
乘舟覓吏經輿縣  
爲酒求官得步兵  
千頃水流通故墅  
至今留得謝公名

秋日旅舍寄義山李侍御

一水悠悠隔渭城  
渭城風物近

寒蛩下響催機杼

旅鴈初來憶弟兄  
自爲

不關砧杵報秋聲

子虛何處堪消渴

卿

湖南正初招李郢秀才

杜牧

行樂及時時已晚對酒當歌歌不成  
千里暮山重叠翠一溪寒水淺深清  
高人以飲爲忙事浮世除詩盡強名  
看着白蘋芽欲吐雪舟相訪勝閒行

寄題甘露寺北軒

曾上蓬萊宮裏行北軒欄檻最留情  
孤高堪弄桓伊笛縹緲宜聞子晉笙  
天接海門秋水色烟籠隋苑暮鐘聲  
他年會著荷衣去不向山僧道姓名

冬至日遇京使發寄舍弟

遠信初逢雙鯉去他鄉正遇一陽生  
樽前豈解愁家國



輦下惟能憶弟兄  
旅館夜憂姜被冷  
暮江寒覺晏裘輕  
竹門風過還惆悵  
疑是松窗雪打聲

八月十二日得替後移居雪溪館因題長句四韻  
萬家相慶喜秋成  
處處樓臺歌板聲  
千歲鶴歸猶有恨  
一年人住豈無情  
夜涼溪館留僧話  
風定蘇潭看月生  
景物登臨閒始見  
願爲閒客此閒行

贈寫御容李長史

李遠

玉座塵銷硯水清  
龍髯不動綵毫輕  
初分隆準山河秀  
乍點重瞳日月明  
宮女卷簾皆暗認  
侍臣開殿盡遙驚  
一朝供奉無人敵  
始覺僧繇浪得名

哭虞將軍

許渾

白首從君未有名，近將孤劍到江城。  
巴童戍久能番語，馬調多解漢行。  
對雪夜窮黃石畧，望雲秋計黑山程。  
可憐身死家猶遠，汴水東流無哭聲。

乘月棹舟送大曆寺靈聰上人不及

萬峯秋盡百泉清，舊鎖禪扉在赤城。  
楓浦客來烟未散，竹窗僧去月猶明。  
杯浮野渡魚龍遠，錫響空山虎豹驚。  
一字不留何足訝，白雲無路水無情。

南陽道中

月斜孤館傍村行，野店高低帶古城。  
籬上曉花齋後落，



井邊秋葉社前生，饑鳥索哺隨雛叫。  
乳犢慵歸望犢鳴，荒草連天風動地。  
不知誰學武侯耕。

早秋韶陽夜雨

宋玉含悽夢亦驚，芙蓉山響一猿聲。  
陰雲迎

一作雨地

先潤夜電引雷窗，暫明暗惜水花飄。  
廣檻遠愁風葉下，高城西歸萬里未。  
千里應到故園春草生。

將歸姑蘇南樓餞送李明府

無處登臨不繫情，一憑春酒醉高城。  
暫移羅綺見山色，纔任管絃聞水聲。  
花落西亭添別夢，柳陰南浦促歸程。  
前期迢遞今宵短，更倚朱欄待月明。

齊安早秋

趙嘏

流年堪惜又堪驚  
砧杵風來滿郡城  
高鳥過時秋色動  
征帆落處暮雲平  
思家正羨江南景  
聽角仍含塞北情  
此日沾襟念岐路  
不知何處是前程

李侍御歸山同宿華嚴寺

家有青山近玉京  
風流柱史早知名  
園林手植自含綠  
霄漢眼看當去程  
處處白雲迷駐馬  
家家紅樹近流鶯  
相逢一宿最高寺  
夜夜翠微泉落聲

山陽盧明府以雙鶴寄遺伯氏詩爲答因寄

緱山雙去羽輪輕  
應爲仙家好弟兄  
茅固枕前秋對無



陸雲溪上夜齊鳴紫泥封處曾回首碧落歸時莫問程  
白笑滄江一漁叟何山似爾到層城

醉中看花因思去歲之任

薛逢

去歲乘輅出上京軍機旦暮促前程狂花野草途中恨  
春月秋風劍外情愁見瘴烟遮路色厭聞溪水灘聲  
不辭醉伴諸年少羞對紅粧白髮生

東城值雨

劉威

四月鸞輿出鳳城此時遊子動歸程蓬萊一水通雲氣  
闔闔千門度雨聲書卷喜從船尾載酒杯愁就馬頭傾  
長年三老歡相語沙際河流一夜生

題廬山寺

馬戴

白茆爲屋宇，編荆數處堦。  
墀石疊成東谷笑，言西谷響  
下方雲雨上方晴。鼠驚樵客緣蒼壁，猿戲山頭撼紫檉。  
別有一條投澗水，竹筒斜引入茶鐺。

相國隴西公南征能以留務獨宿府城作

薛能

吾君賢相事南征，獨宿軍廚負請纓。  
燈室臥孤如怨別，月階簪草似臨行。  
高墉撼鐸思巴棧，老木嗥風念野營。  
殊憶好僧招不及，夜來倉卒鎖嚴城。

寓居寄友人

劉洽



雨餘虛館竹

清獨坐書窗軫旅情芳草衡門無馬跡

古槐深巷有

幽

聲夕陽雲盡嵩峯出遠岸烟消洛水平

入夜南原賞佳景月高風定苦吟生

登龍門敬善寺閣

獨步危梯入杳冥天風瀟灑拂簷楹禹門烟樹正春色  
少室雲屏向晚晴花落院深清禁閉水分川潤綠蕪平  
鎖窗朱檻同仙界半夜緌山有鶴聲

題吳宮苑

吳苑荒涼故國名吳山月上照江城殘春碧樹自留影  
半夜子規何處聲蘆葉長侵洲渚暗蘋花開盡水烟平

經過此地千年恨  
荏苒東風露色清

下第東歸途中書事

峽路誰知倦此情  
往來多是半年程  
孤吟洛苑逢春盡  
幾向秦城見月明  
高柳斷烟侵嶽影  
古堤斜日背灘聲  
東歸海上有餘業  
牢落田園荒草平

雨後遊南門寺

郭南山寺雨初晴  
上界尋僧竹裏行  
半壁樓臺秋月過  
一川烟水夕陽平  
苔封石室雲含潤  
露滴松枝鶴有聲  
木葉蕭蕭動歸思  
西風畫角漢東城



遠客愁多白髮生  
野水亂流臨古驛  
斷烟凝處近孤  
東西未遂歸田計  
海上青山久廢耕

### 題王母廟

寂寥珠翠想遺聲  
門掩烟微水殿清  
拂曙紫霞生古  
何年絳節下層城  
鶴歸遼海春光晚  
花落閒堦夕雨  
武帝無名在仙籍  
玉壇星月夜空明

### 送宮人人道

項斯

願隨仙女董雙成  
王母前頭結伴行  
初戴玉冠多誤  
欲辭金殿別稱名  
將敲碧落新齋磬  
却進昭陽舊賜筵

旦暮焚香繞壇上步虛猶作按歌聲

長安退將

塞外衝沙損眼明歸來養病住秦京上高樓閣看星斗  
著白衣裳把劍行常說老身思鬪將最悲無力制蕃  
翠眉紅臉和回鶻惆悵中原不用兵

少年行

雍陶

不倚軍功有俠名可憐毬獵少年情戴鈴健鶻隨聲下  
撼珮騎驄弄影行覓匠重裝燕客劍對人新按越姬  
豈知儒者心偏苦吟向秋風白髮生



忽聞身謝清朝驚伊愿番陽罷市情遺愛元在公  
高名不朽死如生神仙難見青驪事諫議空留白馬  
授館曾爲門下客幾回垂淚過宣平

九子坡聞鷓鴣

李羣玉

落照蒼茫秋草明鷓鴣啼處遠人行正穿詰曲崎嶇收  
更聽鈎輈格磔聲曾泊桂江溪岸雨亦于梅嶺阻歸  
此時爲爾腸千斷乞放今宵白髮生

寄張祐

祐亦未面頻  
寄聲相聞

越水吳山任興行五湖雲月挂高情不遊都邑稱平  
只向江東作步兵昔歲芳聲到童稚老來佳句徧公

如君氣力波瀾地留取陰何沈范名

送劉谷

李郢

村橋西路雪初晴雲暖沙乾馬足輕  
寒澗渡頭芳草綠新梅嶺外鷓鴣聲  
郵亭已送輕車發山館誰將候火迎  
落日千峯轉迢遞知君回首望高城

暮春山行田家歇馬

雨濕菰蒲斜日明人家煮繭掉車聲  
青蛇上竹一種黃蝶隔溪無限情  
何處漁樵將遠餉故園田土憶飛  
千峯靄靄水滴滴羸馬此中愁獨行

友人適越路過桐廬寄題江驛



過日仍聞官長清  
麥隴虛涼當水店  
鱸魚鮮美稱  
王孫客棹殘春去  
相送河橋羨此行

和湖州杜員外冬至日白蘋洲見憶

白蘋亭上一陽生  
謝朓新裁錦繡成  
千嶂雪消溪  
幾家梅綻海波清  
已知鷗鳥長來狎  
可許汀洲獨有  
多愧龍門重招引  
卽拋田舍棹舟行

宣州獻從叔大夫

李頻

清時選地任賢明  
從此觀風輟尹京  
日月天中辭洛  
雲山江上領宣城  
萬家閭井俱安寢  
千里農桑竟起耕

聞說聖朝同漢代已愁徵入拜公卿

鑑湖西島山中言事

方干

欹枕亦吟行亦醉臥吟行醉更何營貧來猶有故琴在  
老去不過新髮生山鳥踏枝紅果落家僮引釣白魚鯨  
潛夫自有孤雲侶可要王侯知姓名

敘錢塘異勝

暖景融融寒景清越臺風送曉鐘聲四郊遠火燒烟  
一道驚波撼郡城夜雪未知東岸綠春風猶放半江  
謝公吟處依稀在千古無人繼盛名

寄杭州于郎中



路云聖代諸賢明自是山河應數生大雅篇章無  
高門世業有公卿入樓早月中秋色遶郭寒潮半夜  
白屋青雲至懸濶愚儒肝膽若爲傾

哭秘書姚監丞

一作少監

寒空此夜落文星星落文留萬古名入室幾人成第  
爲儒是處哭先生客一作家無諫草逢明代國有遺編  
正聲曉向平原陳葬禮悲風吹雨濕銘旌

贈蕭山彭少府

作尉孜孜更寒苦操心至癖不爲清雖將劍鶴支殘  
猶有歌篇取盛名盡擬勤求爲弟子皆將疑義問先生

與君相識因儒術歲月彌多別有情

贈錢塘湖上唐處士

我愛君家似洞庭衝灣潑岸夜波聲  
蟾蜍影裏清吟士  
舴艋舟中白髮生  
常共酒盃爲伴侶復聞紗帽見公卿  
莫言舉世無知己自有孤雲識此情

題陶祥校書陽羨隱居

芸香署裏從容步陽羨山中嘯傲情  
竿底紫鱗輪釣仕  
花邊白犬吠流鶯  
長潭五月含冰氣孤檣中宵學雨聲  
便泛扁舟應未得賜夷棄相始垂名

漳州于使君罷鄧章南去上國二十四州使君



非親戚

漳南罷郡如之任二十四州相次迎泊岸旗旛郵吏拜  
連山風雨探人行月中倚棹吟漁浦花底垂鞭醉鳳城  
聖王此時思共理又應何處救蒼生

送孫百篇遊天台

東南雲路落斜行入樹穿邨見赤城遠近常時皆藥氣  
高低無處不泉聲映巖日向牀頭沒濕燭雲從柱底生  
更有仙花與霧鳥恐君多半未知名

書桃花塲周處士壁

醉吟雪月思深苦思苦神勞華髮生自學古賢修靜節

惟應野鶴識高情  
細泉出石飛難盡  
孤燭和雲濕不明  
何事懶于嵇叔夜  
更無書札答公卿

盧卓山人畫水

常聞畫石不畫水  
畫水至難君得名  
海色未將藍汁染  
筆鋒猶傍土堆行  
散吞高下應無岸  
斜蹙東南勢欲傾  
坐久神迷不能決  
却疑身在小蓬瀛

書懷

司空圖

病來猶強引雛行  
力上東原欲試耕  
幾處馬嘶春麥長  
一川人喜雪峯晴  
閒知有味心難肯  
道貴謀安跡易平  
紂令若能兼不飲  
無玄琴亦是古名



白菊初開卧內明  
聞君相訪病身輕  
樽前且撥傷心事  
溪上還隨覓句行  
幽鶴傍人疑舊識  
殘蟬向日噪新晴  
擬將寂寞同留住  
且勸康時立大名

寄當陽袁皓明府

楊夔

高人爲縣在南京  
竹遶琴堂水遶城  
地古旣資携酒興  
務閒偏長看山情  
松軒待月僧同坐  
藥圃尋花鶴伴行  
百里甚堪留惠愛  
莫教空說魯恭名

題宣州延慶寺益公院

默坐能除萬種情  
臘高兼有賜衣榮  
講經舊說傾朝聽

登殿曾聞降輦迎  
幽逕北連千嶂碧  
虛窗東望一川平  
長年門外無塵客  
時見元戎駐旆旌

襄州春遊

皮日休

信馬騰騰觸處行  
春風相引與詩情  
等閑遇事成歌詠  
取次衝筵隱姓名  
映柳認人多錯誤  
透花窺鳥最分明  
岑牟單綬何曾著  
莫道猖狂似禰衡

次魯望看壓新醅

一簣

酒簣也

松花細有聲  
旋將渠椀撇  
寒清秦吳只恐傷

來近劉項真應釀  
得平酒德有神多  
客頌醉鄉無貨沒  
人爭五湖烟水郎  
山月合向樽前問  
底名



池上低摧病不行誰教仙魄反層城陰苔尚有前朝跡  
皎月新無昨夜聲菰米正殘三日料筠籠休礙九霄程  
不知此恨何時盡遇著雲泉卽愴情

潤卿遺青飣飯兼之一絕聊用答謝

傳得三元飣飯名大宛閒說有仙卿

案西梁子文撰黃錦素書十通其二

傳大宛北谷子自號青精先生

分泉過屋春青稻

此飯以青龍稻爲之

拂霧影衣

折紫莖

南稻莖微紫色

蒸處不教雙鶴見服來惟怕五雲生草

堂空坐無饑色時把金津漱一聲

以紫石硯寄魯望兼酬見贈

樣如金蹙小能輕微潤將融紫玉英石墨一研爲鳳尾  
寒泉半勺是龍睛騷人白芷傷心暗狎客紅筵奪眼明  
兩地有期皆好用不須空把洗溪聲

和宿報恩寺水閣

陸龜蒙

峯抱池光曲岸平月臨虛檻夜何清僧穿小檜纔分影  
魚擲高荷漸有聲因憶故山吟易苦各橫秋簟夢難成  
周顒不用裁書勸自得涼天證道情

和秋夕文宴

得成字

筆陣初臨夜正清擊銅遙認小金鉦飛觥壯若遊燕市  
覓句難於下地城爾嶺故人因會意芳簪妻鳥帶个驚



第七  
方成

和寒夜文宴

各將寒調觸詩情旋見微漸入硯生霜月滿庭人暫起  
汀洲半夜鴈初驚三清每爲仙題想一日多因累句傾  
千里建康衰草外含毫誰是憶昭明

看壓新醅寄懷襲美

曉壓糟牀漸有聲旋如荒澗野泉清身前古態醺應出  
世上愁痕滴合平飲啄斷年同鶴儉風波終日看人爭  
樽中若使常能淥兩綬通侯總強名

襲美有小宴抱病不赴猥示唱和因次韻酬之

綺席風開照露晴祇將茶薜代雲觥  
繁絃似玉紛紛碎  
佳妓如鴻一一驚  
毫幾多飛藻客羽寒寥落映花鶯  
幽人獨自西窗晚  
閒凭香檉返照明

和傷顧道士

何事神超入杳冥  
不騎孤鶴上三清  
多應白簡迎將去  
卽是朱陵鍊更生  
藥萸肯同椒醕味  
雲謠空替薤歌聲  
武皇徒有飄飄思  
誰問山中宰相名

奉和日休病中孔雀

懶移金翠傍簷楹  
斜倚芳叢舊態生  
惟奈瘴烟籠飲啄



下地者引滑承應簪者  
爭得鷓鴣來往著不妨  
還校有心情

過張祐處士丹陽故居

并序

顏 萱

昔與故張處士祐世家通舊尚憶孩稚之歲  
伯氏嘗承處士撫抱之仁目管輅爲神童期  
融於偉器光陰但謝二紀於茲適經其故居  
易他主訪遺孤之所止則距故居之右二十  
步荆榛之下葦門啓焉處士有四男一女男  
椿兒桂兒椅兒杞兒問之三已物故惟杞爲  
孕與其女尚存欲揖杞與言則又求食於汝

矣但有霜鬢而黃冠者杖策迎門乃昔時愛  
崔氏也與之話舊歷然可聽嗟乎葛帔練裙  
非所有琴書圖籍盡屬他人又云橫塘之西  
故田數百畝力旣貧窶十年不耕惟歲賦萬  
求免無所嗚呼昔爲穆生置醴鄭公立鄉者  
何人哉因吟五十六字以聞好事者

憶昔爲兒逐我兄曾拋竹馬拜先生書齋已換當時  
詩壁空題故友名豈是爭權留怨敵可憐當路盡八  
柴扉草屋無人問猶向荒田責地征

開司載上人夾襦家書伯釋典以行詩以送



聲喧時爲駭長鯨禪林幾結金桃重梵室重修  
料得還鄉無別利只應先見日華生

和襲美見留小宴次韻

羊昭業

澤國春來少遇晴有花開日且飛觥王戎似電休難  
周顒纔醒衆却驚芳景漸濃偏屬酒暖風初暢欲調  
知君不肯燃官燭爭得華筵徹夜明

乙酉歲自蜀隨計赴試不及

李洞

客已滄江燕月廳知音喚起進趨生寒梅拆後方離  
臘月圓前未到京風捲壞亭羸僕病雪糊危棧蹇驢

玉堂林

庚

文昌一一應關分豈豈聚斜雨日程

罕

和此南太尉南太尉題鳳州王王別業

清秋看長隆成說向湘僧亦動情節屋屋將松上影  
印龕移鎖月中中野人陪陪賓增詩價太尉因居著谷名  
聞想此此遊遊吟繞鳳池行

石

鄭合

槿墜蓮疎池館清日光風緒澹無情鱸魚斫斫鱸輸張  
橘樹呼奴羨李衡十口漂零猶寄食兩川消息未未  
黃花催促重陽酒何處登

郊墅

涼



韋曲契川雨半晴竹莊花院徧題名畫成烟景  
滴破春愁壓酒聲滿野紅塵誰得路連天紫閣獨關情  
漢陂水色澄於鏡何必滄浪始濯纓

次韻和禮部盧侍郎江上秋夕寓懷

盧郎到處覺風生蜀郡留連亞相情亂後江山悲庾信  
夜來烟月屬袁宏夢歸蘭省寒星動吟向莎洲宿鷺驚  
未脫白衣頭半白叨陪屬和倍爲榮

敷溪高士

敷溪南岸掩柴荆挂却朝衣愛靜名閒得林園栽樹法  
喜聞兒姪讀書聲眠窗日暖添幽夢步野風清散酒醒

謫去徵還何擾擾片雲相伴看衰榮

過長江賈島王簿舊廳

崔塗

雕琢文章字字精我經此處倍傷情  
身從謫宦方沾祿才被槌埋更有聲  
過縣已無曾識吏到廳空見舊題名  
長江一曲年年水應爲先生萬古清

春夕

水流花謝兩無情送盡東風過楚城  
蝴蝶夢中家萬里杜鵑枝上月三更  
故園書動經年絕華髮春惟滿鏡生  
自是不歸歸便得五湖烟景有誰爭



正問青嶺起蒼龍又報黃巾犯漢宮豈是將皆無上畧  
直疑天自棄蒼生瓜沙舊戍猶傳檄吳楚新春已廢耕  
見說聖君能側席不知誰是請長纓

夏日書懷寄道友

達卽匡邦退卽耕是非何足撓平生終期道向希夷得  
未省心因寵辱驚峯轉暫無當戶影雉飛時有隔林聲  
十年惟悟吟詩待得中原欲鑄兵

方干隱居

李山甫

咬咬嚶嚶水禽聲露洗松陰滿院清溪畔印沙多鶴跡  
檻前題竹有僧名問人遠岫千重意對客閒雲一片情

早晚塵埃得休去且將書劍事先生

經費拾遺舊隱

胡駢

林下茅齋已半傾九華幽徑少人行  
不將冠劍爲榮事只向烟蘿寄此生  
松竹漸荒池上色琴書徒立世間名  
白楊風起秋山暮時復哀猿啼一聲

和友人見題山居

杜荀鶴

避時多喜葺居成七字君題萬象清  
開戶曉雲連地白訪人秋月滿山明  
庭前樹瘦霜來影洞口泉噴雨後聲  
有景供吟且如此算來何必躁於名

館舍秋夕



鴻鴈過時思弟兄冷極睡無離枕夢苦多吟有徹雲聲  
出門便作還家計直至如今計未成

行次滎陽却寄諸弟

難把歸書說遠情奉親多闕拙于兄早知寸祿榮家晚  
悔不淡山共汝耕枕上算程關日落帽前搜景嶽雲生  
如今已作長安計祇得辛勤取一名

和顧雲侍御府主與子弟奏官勅下時年三歲

青桂朱袍不賀兄賀兄榮是見兒榮孝經始向堂前徹  
官誥當從幕下迎戲把藍袍包果子嬌將竹笏惱先生

自慚亂世無知己  
第姪鞭牛傍隴耕

旅中臥病

秋來誰料病相縈  
枕上心猶算去程  
風射破窗燈易滅  
月穿疎屋夢難成  
故園何啻三千里  
新鴈纔聞一兩聲  
我自與人無舊分  
非干人與我無情

雪

風覺長空寒骨生  
先於曉色報窗明  
江湖不見飛禽影  
巖谷惟聞折竹聲  
巢穴幾多相似處  
路岐兼得一般平  
擁袍公子休言冷  
中有樵夫跣足行

送韋書記歸京

座中侍  
鄭司馬



知到師門話姓名朝客半修前輩禮古人多重晚年榮  
從來有淚非無淚未似今朝淚滿纓

和友人送弟

君說無家祇弟兄此中言別若爲情干戈鬧日分頭去  
山水寒時信路行月下斷猿空有影雪中孤鴈却無聲  
我今骨肉雖饑凍幸喜團圓過亂兵

題仇處士郊居

江南景簇此林亭手板藍裙自可輕洞裏客來無俗話  
郭中人到有公情閒敲巖果呼猿接時釣溪魚引鶴爭

笑我有詩三百首馬蹄紅日急于名

中夜聞啼禽

吳融

漠漠蒼蒼未五更宿禽何處兩三聲  
若非西澗回波觸卽是南塘急雨驚  
金屋獨眠堪寄恨商陵永訣更牽情  
此時歸夢隨腸斷半壁殘燈閃閃明

太保中書令軍前新樓

十二闌干壓錦城半空人語落灘聲  
風流近接平津閣氣色高含細柳營  
盡日捲簾江草綠有時欹枕雪峯晴  
不知捧詔朝天後誰此登臨看月明



傍岩依樹結簷楹夏物蕭疎景更清  
灘響忽高何處雨松陰自轉一峯晴  
見多隣犬遙相認來慣幽禽近不驚  
爭得便誇饒勝事九衢塵裏免勞生

### 過丹陽

雲陽縣郭半郊垞風物蕭條萬古情  
山帶梁朝陵路斷

水連劉尹宅基平桂枝自折思前代

李考功於此知貢舉

藻鑑難

逢耻後生

殷文學於此集英霈

遺事滿懷兼滿目不堪孤棹倚荒

城

### 分水嶺

兩派潺湲不暫停嶺頭長瀉別離情  
南隨去馬通巴棧

王堂才調集

庚

北逐歸人達渭城  
澄處好窺雙黛影  
咽時堪寄斷腸聲  
紫溪舊隱還如此  
清夜梁山月更明

春歸次金陵

春陰漠漠覆江城  
南國歸橈趁晚程  
水上驛流初過雨  
樹籠隄處不離鶯  
跡疎冠蓋兼無夢  
地近鄉園自有情  
便被東風動離思  
楊花千里雪中行

寄湖南從事

韓偓

索寞襟懷酒半醒  
無人一爲解餘醒  
岸頭柳色春將盡  
船背雨聲天欲明  
去國正悲同旅鴈  
隔江可忍更啼鶯  
蓮花幙下風流客  
試與溫存遣逐情



殘春旅舍

旅舍殘春宿雨晴恍然心地憶咸京樹頭峰抱花鬚落  
池面魚吹柳絮行禪伏詩魔歸淨域酒衝愁陣出奇兵  
兩梁免被塵埃汙拂拭朝簪待眼明

秋村

稻隴蓼紅溝水清荻園葉白秋日明空坡路細見騎過  
遠田人靜聞水行柴門狼籍牛羊氣竹塢幽淡雞犬聲  
絕粒看經香一炷心知無事卽長生

李太舍池上翫紅薇醉題

花低池小水泔泔花落池心片片輕醅酹不能羞白髮

顛狂猶自睠紅英乍爲旅客顏常厚每見同人眼暫明  
京洛園林歸未得天涯相顧一含情

吳郡懷古

主暗臣忠枉就刑遂教強國醉中傾人亡建業空城在  
花落西江春水平萬古壯夫猶抱恨至今詞客盡傷情  
徒勞鐵鎖長千尺不覺樓船下晉兵

偶見

千金莫惜早蓮生一笑從教下蔡傾仙樹有花難問種  
御香聞氣不知名愁來自覺歌喉咽瘦去誰憐舞掌輕  
小疊紅箋書恨字與奴方便寄卿卿



新秋蒨萼發紅英向晚風飄滿郡馨萬疊水紋羅乍展  
一雙鸚鵡綉初成採蓮女散吳歌闋拾翠人歸楚雨晴  
遠岸牧童吹短笛蓼花深處信牛行

送芮尊師

王貞白

石上菖蒲節節靈先生服食得長生早年避世憂身老  
近日登山覺步輕黃鶴待傳蓬島信丹書應換蕊宮名  
他時控鯉昇天去廬岳逋民願從行

江邊吟

李中

風煖汀洲吟興生遠山如畫雨新晴殘陽影裏水東注

芳草烟中人獨行  
閃閃酒帘招醉客  
溪溪綠樹隱啼鶯  
盤桓漁舍忘歸去  
雲靜高空月又明

對雨寄胸山林蕃明府

竟日如絲不暫停  
莎階閒聽滴秋聲  
斜飄虛閣琴書潤  
冷逼幽窗夢寐清  
開戶只添搜句味  
看山還阻上樓情  
遙知公退琴堂靜  
坐對蕭騷飲興生

贈重安寂道者

寒松肌骨鶴心情  
混俗陶陶隱姓名  
白髮只聞悲短景  
紅塵誰解信長生  
壺中日月存心近  
島外烟霞入夢清  
每許相親應計分  
琴餘常見話蓬瀛



送夏侯秀才

江村搖落暮蟬鳴  
執手臨歧動別情  
古岸相看殘照在  
片帆難駐好風生  
牽吟一路逢山色  
醒睡長汀對月明  
況是清朝至公在  
預知喬木定遷鶯

新喻縣酬王仲華少府見貽

事簡開樽有逸情  
共欣官舍月華清  
每慙花次河陽景  
長愧琴無單父聲  
未泰黎元誠曠職  
縱行謙直是虛名  
與君盡力行公道  
敢向昌朝俟陟明

悼懷王喪妃

花綻花開事可驚  
暫來浮世返蓬瀛  
楚宮夢斷雲空在

洛浦神歸月自明  
香解返魂成浪語  
膠能續斷是虛名  
音容寂寞春牢落  
誰會樓中獨立情

哭柴郎中

昔歲遭逢在海城  
曾容孤跡奉雙旌  
酒邊不厭笙歌盛  
花下只愁風雨生  
碁接山亭松影晚  
吟陪月檻露華清  
音塵自此無因問  
淚灑川波夕照明

贈王山人

唐球

紅藤一拄脚常輕  
日日緣溪入谷行  
山下有家身未老  
竈前無火藥初成  
經秋少見閒人說  
帶雨多聞野鶴鳴  
知到蓬萊難再訪  
問何方法得長生



潯州澗東村居作

韋 莊

東南騎馬出郊坰回首寒烟隔郡城  
清澗漲時翹鷺喜綠桑疎處哺牛鳴  
兒童見少生於客奴僕驕多倨似兄  
試望家田還自適滿畦秋水稻苗平

題盤豆驛水館後軒

極目晴川展畫屏地從桃塞接蒲城  
灘頭鷺占清波立原上人侵落照耕  
去鴈數行天際沒孤雲一點淨中生  
憑軒盡日不回首楚水吳山無限情

聽趙秀才彈琴

滿匣冰泉咽又鳴玉音四澗入神清  
巫山夜雨絃中起

湘水晴波指下生  
蜂簇野花吟細韻  
蟬移高柳迸殘聲  
不須更奏幽蘭曲  
卓氏門前月正明

襍感

莫悲建業荆榛滿  
昔日繁華是帝京  
莫愛廣陵臺榭好  
也曾蕪沒作荒城  
魚龍爵馬皆如夢  
風月烟花豈有情  
行客不勞頻悵望  
古來朝市歎衰榮

與東吳生相遇

十年身事各如萍  
白首相逢淚滿纓  
老去不知花有態  
亂來惟覺酒多情  
貧疑陋巷春偏少  
貴想豪家月正明  
且對一樽開口笑  
未衰應見泰階平



汧水悠悠去似緋遠山如畫翠眉橫僧尋野渡歸吳岳  
鴈帶斜陽入渭城邊靜不收蕃帳馬地貧惟賣隴山鵲  
牧童何處吹羌笛一曲梅花出塞聲

漢州

北儂初到漢州城郭邑樓臺觸目驚松桂影中旌旆色  
芰荷風裏管絃聲人心不似經離亂時運還應却太平  
十日醉眠金鴈驛臨岐無限臉波橫

北邙山

吳商浩

北邙山草又青青今日銷魂事可明綠酒醉來春未歇

白楊風起柳初晴岡原旋葬松新長年代無人闕半平  
堪取金爐九還藥不能隨夢向浮生

長安書懷

秦韜玉

涼風吹雨滴寒更鄉思欺人撥不平長有歸心懸馬首  
可堪無寐枕蛩聲嵐收楚岫和空碧秋染湘江到底清  
早晚身著蓑去橘香淡處釣船橫

鸚鵡

每聞別鴈競悲鳴却歎金籠寄此生早是翠襟爭愛惜  
可堪丹嘴強分明雲漫隴樹魂應斷歌按秦樓夢不成

幸自爾衡人未識賺他作賦被時輕



削玉森森幽思清  
阮家高興尚分明  
捲簾陰薄漏山色  
欹枕韻寒宜雨聲  
斜對酒缸偏覺好  
靜籠碁局最多情  
却驚九陌輪蹄外  
獨有溪烟數十莖

寄何紹餘

林寬

魚過君猶未入城  
清賢門下舊知名  
風坡凍馬遙逢見  
革橐饑僮尚挈行  
住在閒坊無轍跡  
別來何寺有泉聲  
芙蓉苑北曲江岸  
期看終南新雪晴

送盧藩尚書之靈武

韋蟾

賀蘭山下果園成  
塞北江南舊有名  
水木萬家朱戶暗

弓刀千騎鉄衣明  
心源落落堪爲將  
膽氣堂堂合用兵  
却使六蕃諸弟子  
馬前不信是書生

黃河

羅隱

莫把阿膠向此傾  
此中天意固難明  
解通銀漢應須曲  
纔出崑崙便不清  
高祖誓功衣帶小  
仙人占斗客槎輕  
三千年後知誰在  
何必勞君報太平

塞外

塞外偷兒塞內兵  
聖君宵旰望昇平  
碧幢未作朝廷計  
白挺猶驅婦女行  
可使禦戎無上策  
只應憂國是虛聲  
漢王第宅秦田土  
今日將軍已自榮



裴庶子除太僕卿因賀

楚珪班序未爲輕莫惜良途副聖明  
宮省舊推皇甫謐寺曹今得夏侯嬰  
秩隨科第臨時貴官逐簪裾到處清  
應笑馬安虛巧宦四迴遷轉始爲卿

蓮塘驛

蓮塘館東初日明蓮塘館西行人行  
隔林啼鳥似相應當路好花疑有情  
一夢不須追往事數盃猶可慰勞生  
莫言來去只如此君看鬢邊霜幾莖

寄楊秘書

蕭蕭簷雪打窗聲因憶江東阮步兵  
兩信海潮書不達

三  
室  
不  
言  
集  
五  
二  
數峯稽嶺眼長明梅繁幾處垂鞭看酒好何人倚檻傾  
會待與君開社瓮滿船般載鏡中行

送友人歸夷門

二年流落大梁城每送君歸卽有情別路算來成底事  
舊遊言著似前生苑荒懶認詞人曾門在空憐烈士名  
至竟男兒分應定不須惆悵谷中鶯

中元夜泊淮口

木葉迴飄水面平偶停孤棹已三更秋涼霧露侵燈下  
夜靜魚龍逼岸行欹枕正牽題柱思隔樓誰轉遶梁聲  
錦帆天子任冤魂應過揚州看月明



晚雲陰映下空城  
六代纍纍夕照明  
玉井已乾龍不起  
金甌雖破虎曾爭  
亦知罷世才難得  
却是窮塵事最平  
溪谷作陵山作海  
茂弘流輩莫傷情

送張綰遊鍾陵

南憶龍沙兩岸行  
當時天下尚清平  
醉眠野寺花方落  
吟倚江樓月乍明  
老去亦知難重到  
亂來爭肯不牽情  
西山十二真人在  
從此煩君話姓名

送楊鍊師却歸真浩巖

宦途不復更經營  
歸去東南任意行  
別後幾回思會面

到來相見似前生  
久居竹蓋知勤苦  
舊業蓮峯想變更  
爲謝狎狂吳道士  
耳中時有鐵船聲

安陸贈徐礪

靈虵橋下水聲聲  
曾向橋邊話別情  
一榻偶依陳太守  
二年深憶禰先生  
塵欺鬢色非前事  
火熬蓬根有去程  
還把餘杯重相勸  
不堪秋色背鄖城

觀賀皇太子册命

殷文珪

嗣册儲皇帝命行萬方  
臣妾躍歡聲  
鸞旂再立星辰正  
雉扇雙開日月明  
自有漢元爭翼戴  
不勞商皓定欽傾  
春宮保傅皆周召  
致主何憂不太平



江南秋日

水國由來稱道情野人經此頓神清  
一篷秋雨睡初起半硯冷雲吟未成  
青笠漁兒筒釣沒蒹衣菱女畫桡輕  
冰綃寫上江南景寄與金鑾馬長卿

蘆花

羅鄴

如練如霜乾復輕西風處處拂江城  
長垂釣叟看不足暫泊王孫愁亦生  
好傍翠樓裝月色枉隨紅葉舞秋聲  
最宜羣鷺斜陽裏閒捕纖鱗傍爾行

寄鄆杜李遂良處士

高駢

小隱堪忘世上情可能休夢入重城  
池邊寫字師前輩

王堂才詩集  
座右題銘律後生吟社客歸秦渡晚醉鄉漁去漢陂晴  
春來不得山中信盡日無人傍水行

約張處士遊梁

譚用之

莫學區區老一經夷門關吏舊書生晉朝滅後無中散  
韓國亡來絕上卿龍變洞中千谷冷劍橫天外八風清  
好携長策干時去免逐漁樵度太平

貽南康陳處士

白玉堆邊蔣徑橫空涵二十四灘聲老無征戰軒轅國  
貧有茆茨帝舜城丹鳳晝飛羣木冷一龍秋卧九江清  
時人莫笑非經濟還待中原致太平



江館秋夕

耿耿銀河鴈半橫  
夢歆金碧轆轤輕  
滿窗謝練江風白  
一枕齊紈海月明  
楊柳敗枿飛葉響  
芰荷香柄折秋鳴  
誰人更唱陽關曲  
牢落烟霞夢不成

酒醒

徐寅

酒醒欲得適閒情  
騎馬那勝策杖行  
天暖天寒三月暮  
溪南溪北兩川名  
沙澄淺水魚知釣  
花落平田鶴見耕  
望斷長安故交遠  
來書未說九河清

釣車

荻灣漁客巧裝成  
碓鑄銀星一點輕  
拋過碧江鵝鵝岸

軋殘金井軋轡聲軸磨駢角冰光滑輪捲春絲水面平  
把向巖灘尋轍跡漁臺基在轍難傾

惆悵吟

張泌

秋風丹葉動荒城慘淡雲遮日半明晝夢却因惆悵得  
晚愁多爲別離生江淹彩筆空留恨莊叟玄譚未及情  
千古怨魂銷不得一江寒浪若爲平

送皇甫侍御曾還丹陽別業

僧皎然

雲陽夜別憶春耕花發菱湖問去程積水悠揚何處夢  
亂山稠疊此時情將離有月教絃斷贈送無蘭覺意輕  
朝右要君持漢典明年北壑可須營



張舍人南溪別業

僧法振

新田繞屋半春耕  
藜杖閒門引客行  
山翠自成微雨色  
溪花不隱亂泉聲  
漁家遠到堪留興  
公府懸知欲厭名  
入夜更宜明月滿  
雙童喚出解吹笙

別盧使君歸故柵村

歸風白馬引嘶聲  
落日猶看楚興情  
塞口竹緣空戍沒  
湖頭沙擁慢岡成  
松田且欲新耕種  
郡守何偏問姓名  
東道宿程投故柵  
依依漁父解相迎

詠柳

僧慕幽

今古憑君一贈行  
幾回折盡復重生  
五株斜傍淵明宅

三  
言集  
千樹低垂太尉營  
臨水帶烟藏翡翠  
倚風兼雨宿流鶯  
隋皇堤上依依在  
曾惹當時歌吹聲

三峽聞猿

誰向茲來不恨生  
聲聲多是斷腸聲  
七千里外一家住  
十二峯前獨自行  
瘴雨晚藏神女廟  
蠻烟寒鎖夜郎城  
憑君且莫哀吟好  
會待青雲道路平

于采君俞校



玉堂才調集

青 四十首

杜甫 二首

劉長卿 一首

竇叔向 一首

劉禹錫 三首

韓愈 一首

柳宗元 一首

張籍 二首

白居易 二首

賈島 一首

周賀 一首

趙嘏 一首

方干 四首

章碣 一首

皮日休 一首

陸龜蒙 二首

李洞 一首

鄭谷

一首

張蠙

一首

韓偓

一首

李中

二首

黃滔

一首

羅隱

三首

羅鄴

一首

高駢

一首

裴鉶

一首

譚用之

一首

孫氏

一首

李建勲

一首



玉堂才調集

青

嚴中丞枉駕見過

杜甫

元戎小隊出郊坰，問柳尋花到野亭。  
川合東西瞻使節，地分南北任流一作浮萍。  
扁舟不獨如張翰，阜帽應兼似管寧。  
寂寞江天雲霧裏，何人道有少微星。

卽事

天畔羣山孤草亭，江中風浪雨冥冥。  
一雙白魚不受釣，三寸黃柑猶自青。  
多病馬卿無日起，窮途阮籍幾時醒。  
未聞細柳散金甲，腸斷秦川流濁涇。

過裴舍人故居

劉長卿

慘慘天寒獨掩扉  
紛紛黃葉滿空庭  
孤墳何處依山木  
百口無家學水萍  
籬花猶及重陽發  
鄰笛那堪落日聽  
書幌無人常不捲  
秋來芳草自爲螢

夏夜宿表兄宅話舊

竇叔向

夜合花開香滿庭  
夜涼微雨醉初醒  
遠書珍重何山達  
舊事淒涼不可聽  
去日兒童皆長大  
昔年親友半凋零  
明朝又是孤舟別  
愁見河橋酒幔青

贈日本國僧知藏

劉禹錫

浮杯萬里過滄溟  
禮名山適舊局

作  
淡夜降龍潭



水黑新秋放鶴野田青身無彼我那懷土心會真如不

郝天挺云寧馨吳語猶常

言如是也

聞韓賓擢第歸覲以詩美之兼賀韓十五曹長時

### 韓牧永州

零陵香草滿郊垌丹穴雛飛入翠屏孝若歸來成畫讚  
孟陽別後有山銘蘭陔舊地多纔結桂樹新枝色更青  
爲報儒林文士道如今從此鬢星星

楚州開元寺北院枸杞臨井繁茂可觀羣賢賦詩

### 因以繼和

僧房藥樹依寒井井有香泉樹有靈翠黛榮生籠石甃  
殷紅子熟照銅鉸枝繁本是仙人杖根老新成瑞犬形  
上品功能甘露味還知一勺可延齡

和水部張員外籍宣政衙勅賜百官櫻桃

韓愈

漢家舊種明光殿炎帝還書本草經豈似滿朝承雨露  
共看傳賜出青冥香隨翠籠擎初到色映銀盤寫未停  
食罷自知無所報空然慚汗仰皇局

楊尚書寄柳筆

柳宗元

截玉鉅錐作妙形貯雲含霧到南溟尚書舊用裁天詔



內史新將寫道經曲藝豈能裨損益微辭祇欲播芳馨  
桂陽卿月光輝遍毫末應傳顧鬼靈

寄和州劉使君

張籍

別離已久猶爲郡閒向春風倒酒餅送客將過沙口堰  
看花多上水心亭曉來江氣連城白雨後山光滿郭青  
到此詩情應更遠醉中高咏有誰聽

送鄭尚書赴廣州

聖朝選將持符節內制宣時百辟聽海北蠻夸來舞蹈  
嶺南封管送圖經白鵬飛遶迎官舫紅槿開當讌客亭  
此處莫言多瘴癘天邊看取老人星

橋亭卯飲

白居易

卯時偶飲齋時卧林下高橋橋上亭松影過窗眠始覺  
竹風吹面醉初醒就荷葉上包魚鮮當石渠中浸酒餅  
生計悠悠身兀兀甘從妻喚作劉伶

春聽琵琶兼簡長孫司戶

四絃不似琵琶聲亂寫真珠細撼鈴指底商風悲颼颼  
舌頭譯語苦醒醒如言都尉思京國似訴明妃厭塞庭  
遷客共君相勸諫春腸易斷不須聽

贈牛山人

賈島

二十年中領茯苓致書一作牛是半是老君經東都舊任商



人宅南國新修道士亭鑿石養蜂休買蜜坐山秤藥不  
爭星古來隱者多能卜欲就先生問丙丁

送忍禪師歸廬岳

周賀

浪匝彭城岳壁青白頭僧去掃禪局龕燈度雪補殘衲  
山日上軒看舊經泉水帶冰寒溜澁薜蘿新雨曙烟腥  
已知身事非吾道甘臥荒齋竹滿庭

獻淮南李相公

趙嘏

傳巖高靜見台星廟畧當時討不庭萬里有雲歸碧落  
百川無浪到滄溟軍中老將傳兵術江上諸侯受政經  
聞道國人思再入鎔金新鑄鶴儀形

與桐廬鄭明府

方干

字人心苦達神明何止重門夜不扃莫道耕田全種秫  
兼聞退食亦逢星映林顧兔停琴望隔水寒猿駐筆聽  
却恐南山盡無石南山有石合爲銘

路支使小池

廣狹偶然非製定猶將方寸像滄溟一泓春水無多浪  
數尺晴天幾箇星露滿玉盤當半夜匣開金鏡在中庭  
主人垂釣常來此雖把漁竿醉未醒

于秀才小池

一泓瀦灩復澄明半日工夫斲小庭占地未過四五尺



浸天惟入雨三星鵲舟草際浮霜葉漁火沙邊駐水螢  
纔見規模試方寸知君立意象滄溟

和剡縣陳明府登縣樓

郭裏人家如掌上簷前樹木映窗櫺烟霞自接天台地  
分野應侵婺女星驛路古今通北闕仙溪日夜入東溟  
綵衣才子多吟嘯公退時時見畫屏

雨

章 碣

低著烟花漠漠輕正堪吟坐掩柴局亂沾細網垂窮巷  
斜送陰雲入古廳鎖却暮愁終不散添成春醉轉難醒  
霽來還有風流事重染南山一遍青

病中孔雀

皮日休

烟花雖

一作難

媚思沉冥猶自擡頭護翠翎強聽紫簫如

欲舞困眠紅樹似依屏因思桂蠹傷肌骨爲憶松鶯損  
性靈盡日春風吹不起錦毫金縷一星星

和襲美送新羅弘惠上人

龜蒙

一函迢遞過東瀛祇爲先生處乞銘已得詞封靜檢  
却懷孤影在禪庭春過異國人應寫夜讀  
遙想勒成新塔下盡望空碧禮文星

奉和襲美悼鶴

一夜圓吭絕不鳴八公虛道得千齡方添上客雲眠思



忽伴中仙劍解形但掩叢毛穿古堞永留寒影在空屏  
君才幸自清如水更向芝田爲刻銘

過賈島舊地

李洞

鶴外來有客星長江東注冷滄溟境搜松雪仙人島  
吟歇林泉主簿廳片月已能臨榜黑遙天何處抱坟青  
年年誰不登高第未勝騎驢入畫屏

自適

鄭谷

紫陌奔馳不暫停送迎終日在郊坰年來鬢畔未垂白  
雨後江頭且踏青浮蟻滿盃難暫捨貫珠一曲莫辭聽  
春風祇有九十日可合花前半日醒

華陽道者

張蟪

華陽洞裏持真經心嫌來客風塵腥惟餐白石過白日  
擬騎青竹上青冥翔螭豈作漢武駕神蛾徒降燕昭庭  
長生不必論貴賤却是幽人骨主靈

早發藍關

韓偓

關門愁立候雞鳴搜景馳魂入杳冥雲外日隨千里鴈  
山根霜共一潭星路盤暫見樵人火棧轉時聞驛使鈴  
自問辛勤緣底事半年驅馬傍長亭

和夏侯秀才春日見寄

李中

綿蠻黃鳥不堪聽觸目離愁怕酒醒雲散碧山當晚檻



雨催青蘚匝春庭  
尋芳懶向桃花塢  
垂釣空思杜若汀  
晝夢不成吟有興  
揮毫書在枕邊屏

暮春吟懷寄桃端先輩

無奈詩魔旦夕生  
更堪芳草滿長汀  
故人還爽花前約  
新月又生江上亭  
莊夢斷時燈欲燼  
蜀魂啼處酒初醒  
何時得見登龍客  
隔却千山萬仞青

送二友遊湘中

黃滔

千里楚江新雨晴  
同征肯恨迹如萍  
孤舟泊處聯詩句  
八月中旬宿洞庭  
爲客早悲烟草綠  
移家晚失嶽峯青  
今來無計相從去  
歸日汀洲乞畫屏

春日憶湖南舊遊寄盧校書

羅隱

七

旅榜前年過洞庭，曾提刀筆事甘寧。  
玳筵雖隔將軍幕，

朱履頻窺處士星。

校書自處士受命爾

恩重匣中孤劍在，夢餘江

上數峯青。金貂見鵬嘉賓散，回首昭丘一淚零。

息夫人廟

百雉摧殘連野青，廟門猶見昔朝庭。  
一生雖抱楚王恨，千載終爲息地靈。  
蟲網翠鬟終縹緲，風吹寶瑟助微冥。  
玉顏渾似羞來客，依舊無言照畫屏。

后土廟

四海兵戈尚未寧，始於雲水學儀形。  
九天玄女猶無聖，



后土夫人豈有靈一帶好雲侵髻綠兩層危岫拂眉青  
韋郎年少知何在端坐思量太白經

冬夕江上言事

羅鄴

葉落纔悲草又青看看少壯是衰形關中秋雨書難到  
江上春寒酒易醒多少繫心身未達等思舉日淚堪零  
幾時抱犢歸山去松下看雲讀道經

和王昭符進士贈洞庭趙先生

高駢

爲愛君山景最靈角冠秋禮一壇星藥將雞犬雲間試  
琴許魚龍月下聽自要乘風隨羽客誰同種玉驗仙經  
烟霞寂寞無人到惟有漁翁過洞庭



題石室

時高駢爲使時亂矣故末句及之

裴 鉏

文翁石室有儀形庠序千秋播德馨古栢尚留今日翠  
高岷猶藹舊時青人心未肯拋鹽螳弟子依前學聚螢  
更歎沱江無限水爭流祇願到滄溟

閑居寄陳山人

譚用之

閒居何處得閒名坐掩衡茅損性靈破夢曉鐘聞竹寺  
沁心秋雨浸莎庭甕邊難負千鍾綠海上終眠萬仞青  
珍重先生全太古應看名利似浮萍

詠琴

代夫作

孫 氏

玉指朱絃軋復清湘妃愁怨最難聽初疑颯颯涼風勁



